

**ARUBA TOURISM AUTHORITY
(A.T.A.) Y ARUBA PORTS AUTHORITY
(APA) TA YAMA BONBINI NA BARCO
CRUCERO ILMA DI THE RITZ-
CARLTON YACHT COLLECTION**



WWW.SOLODIPUEBLO.COM



SOLODIPUEBLO@GMAIL.COM

**MUY PRONTO ANDRADE TA
DILANTI CORTE ATROBE; FISCAL
TA EXIGI DOS AÑA DI PRISON**




**MIKE SU APOYO DIRECTO:
E CAMINDA PA POBRESA PERPETUO**

Relaciona cu su retiro
**ALVIN HOWELL TA GANA
CASO CONTRA GOBIERNO**

**UN AVION CU 64 HENDE
TA DAL CONTRA UN
HELIKÒPTER MILITAR
NA WASHINGTON**



**ARUBA Y HULANDA A
YEGA NA ACUERDO
PA REVISA
NORMANAN**



Awo cu 2 florin mas, bo por gana e **MEGA PLUS**
*Afl. **1.400.000,-**
*Afl. 900.000,- + Afl. 500.000,-
extra
Benta ta sera 7:30 pm y sorteo ta hunga 7:45 pm



HUNGA AWO





Noticia di Corte

Relaciona cu su retiro

ALVIN HOWELL TA GANA CASO CONTRA GOBIERNO

ORANJESTAD -- Awe Corte di Ambtenaar a dicidi cu ta hala aden e decision cu Gobierno a tuma di retira Alvin Howell. Dia 13 Augustus 2024, Gobierno a tuma medida diciplinario contra Alvin Howell di retiro y Howell, asisti pa mr. Canwood, a cuminsa un caso di protesta contra e retiro.

Dia 4 November 2024, tratamiento di e caso a tuma lugar y awe e sentencia a cay.

E motibo di e castigo diciplinario, segun Gobierno, ta relaciona cu e caso penal contra Howell como Parlamentario di POR lo a usa placanan di e Stichting di dje pa su mes.

Ta asina cu e abogado entre otro a muestra cu e apelacion di Howell contra su condena ainda ta andando.

Hues di casonan di ambtenaar ta haya cu e protesta di Howell tin base y a hala aden e retiro cu Gobierno a duna Howell.

HENDRIK TEVREDEN (MEP):

DIALOGO HABRI ENTRE ARUBA Y HULANDA TA IMPORTANTE



Hendrik Tevreden, miembro di fraccion di MEP, a expresa den un encuentro publico, dia 30 di januari, cu ta cla cu, den pasado, tanto Gobierno di Aruba como Parlamento di e epoca ey no a actua conforme den e actual

Rijkswet. Sinembargo, a logra continua cu e negociacionnan y mantene un dialogo habri entre gobierno di Aruba y Hulanda. Tevreden a probecha e ocasion pa felicita e

liderazgo actual pa mantene e dialogo constructivo aki. El a recorda cu, den e ocasionnan anterior, dialogo a coy rumbo diferente debi na otro tipo di liderazgo, pero a destaca e importancia di conta cu un mesa di dialogo

caminda cu por discuti sin yega necesariamente na un acuerdo inmediato. E enfoke aki, segun Tevreden, ta cana na un proceso caminda sociedad por continua participando den e negociacionnan di manera civilisa.

UN AVION CU 64 HENDE TA DAL CONTRA UN HELIKOPTER MILITAR NA WASHINGTON

Un avion di pasahero procedente di Wichita (Kansas) a dal contra un helicopter di Ehercito di Merca riba Riu Potomac, banda di Aeropuerto Nacional Ronald Reagan Washington, cu a suspende su despegue y aterisahe. Despues di oranan di trabou di diferente ekipo di rescata, e autoridadnan a confirma cu no tin sobreviviente entre e 64 personanan cu tabata biaha riba e vuelo comercial y e tres militarnan cu tabata den e helicopter. Administracion Federal di Aviacion a emiti un comunicado den cual el a indica cu un avion regional di e aerolinea Mericano PSA cu tabata operando un vuelo di American Airlines a dal den aire cu ‘Sikorsky UH-60 Black Hawk’ mientras e tabata acercando e pista di aterisahe 33 Reagan.



ANUNCIO/BLBA/001/25

Mediador di Gobierno na Aruba ta anuncia cu a base di articulo 1 inciso 2 di “Arbeidsvredebesluit 111” cu e siguiente peticion a ser ricibi pa tene un Referendum bao di e empleadonan di e empresa menciona aki bao.

Number **peticionario**: “Federacion di Trahadornan di Aruba (FTA)”

Number **EMPRESA**: “Botica Santa Cruz N.V. departamento di Apothekersassistenten”

Atencion ta wordo poni ariba posibilidad pa sindicatonan interesa pa dentro di **14 dia** despues di e fecha di e anuncio aki, trece nan deseo pa participa na dicho Referendum na conocemento di Mediador.

Oranjestad, 30 di januari 2025

Mediador di Gobierno
Anselmo Pontilius

Prome Minister: **ARUBA Y HULANDA A YEGA NA ACUERDO PA REVISA NORMANAN**



Durante un encuentro publico den Parlamento diahuebs, 30 di januari, Prome Minister Evelyn Wever-Croes a anuncia cu Hulanda a yega na un acuerdo cu Aruba pa revisa y modernisa su normanan. Wever-Croes a expresa cu e peticion di Aruba na Hulanda ta, relaciona cu IMF, pa permiti e intervencion di e organismo aki den e proceso di revision.

E acuerdo aki, segun Wever-Croes, lo habri espacio pa mas oportunidad, aunke tambe por genera friccion entre e dos nacionnan. IMF a cuminsa traha den e proceso y ta spera cu su conclusionnan ta disponibel dentro di poco. E siman aki, Aruba y Hulanda lo manda nan reaccion di e ultimo draft di e informe di Laft, aunke e informe final ainda no ta cla. Fuera di esey a recorda cu e acuerdo alcanza na juni di aña pasa ta establece cu e ley nobo di Rijkswet mester ta entrega na Tweede Kamer y Parlamento di Aruba prome cu dia prome di mei di e aña aki.



+2975870070
info@ffd-aruba.com
Shaba 24, Noord
CMB: Stichting F.F.D. # 024002904
Kvk: S-676
Pers. # 3794880

FFD ta buscando
un Director
dinámico y cu conocimiento di nos operacion

NOS ORGANISACION

Fundacion Facilidatnan Deportivo (FFD) a ser funda na 2003 pa brinda (mantencion) maneho di un cantidad di facilidatnan deportivo na Aruba. E facilidatnan aki ta inclui canchanan di futbol, baseball, basketball y volleyball. E responsabilidad pa maneho operacional ta keda na e director, sosteni pa un team di supervisor y empleado nan tecnico di facilidad y administrativo. E responsabilidad final pa e resultadonan financiero, di personal y di maneho ta keda na e directiva.

RESPONSABILIDAD

E director ta maneha e procesonan di trabou, proyectonan y personal di fundacion FFD den e cuadro determina pa e directiva. E director ta sostene e hunta den definicion di e strategia, ta desaroya plan nan di politica y proceduranan den area nan operacional, organisatorio y financiero administrativo y ta monitoria nan implementacion. E director tambe ta responsabel pa e organizacion administrativo y ta responsabel na e directiva pa e resultado nan di FFD.

PERSONALIDAD

- por lidera y guia e organizacion den area nan publico y comercial
- por plania, coordina y vigila e progreso di e trabou
- por stimula y corigi e empleado nan di tal forma cu e trabou ta wordo hiba cu prioridad, efectividad y eficiencia corecto
- por guía, motiva y desaroya empleadonan
- organisa, motiva y cu por traha independiente
- un persona cu actitud proactivo y flexibel
- un persona critico cu por identifica problema, oportunidad nan y duna recomendacion
- por fungi como vocero di e fundacion y cu por defende e fundacion bou di tur circunstancia
- Habilidad interpersonal y cu un bon comunicacion
- Por domina e siguiente idioma nan (den habla y por escrito): Papiamento, Hulandes, Ingles y Spaño
- Conocemento tocante e supervicion y operacion di facilidatnan deportivo y cu conocimiento di operacion di facilidad
- Creatividad pa loke ta financiamiento y comercialisacion ta deseabel

Por manda e solicitud, no mas tarda cu día 14 di februari 2025
via e email address: hr.ffdaruba@gmail.com

DOS PERSONA DETENI PA TIN MUNICION DEN NAN PODER

Diamars anochi poco prome cu 9or, Central di Polis ta wordo notifica cu lo a haya dos turista cu municion na momenti di aborda un barco crusero. Central di polis ta despacha patruya di Polis pa waf na Oranjestad.

Na yegada di e prome unidad di Polis a bin compronde cu durante control prome cu aborda e barco crusero a control den

pertencia di dos turista. Pa nan sorpresa a bin tuma cu municion y bala cayente den e tas di cada un turista.

A detene un turista femenino cu tabata tin un bala cayente den su tas como tambe a detene un turista masculino cu un peña cu bala cayente aden. Despues di detencion a transportanan di biaha pa warda polis pa asina nan presenta dilanti un sub

fiscal. E turistanan den oranan di mainta a wordo interoga y na unda despues cu a tuma contacto cu fiscal nan mester a paga un multa y a recobra nan libertad.

Durante dia e agencia encarga cu nan a percura pa nan haya un vuelo y a bolbe bek nan destino. Mester clarifica cu na ningun momento a encontra ningun arma di candela.



UNIT NARCOTICA: 3 DETENCION, HOPI MARIHUANA Y COCAINA CONFISCA

Dialuna y diamars Unit Narcotica a haci un otro entrada hudicial na unda a haci varios detencion y a confisca basta droga.

Dialuna Unit Narcotica a pasa Bernadetastraat y a detene dos persona. E homber di inicial A.M.B.Q. di 46 aña naci na Aruba y e muher di inicialnan Y.M.D. di 35 aña naci na Aruba.

Na mes momento a pasa na un cas na Shiribana. Na ambos adres a confisca

cocaina y marihuana. Tur dos sospechoso a wordo deteni enconexion cu benta di droga.

Diamars tambe Unit Narcotica a pasa na un cas na Kudawecha y a detene e homber di inicialnan M.L.S. di 86 aña naci na Merca. A detene e dicho persona aki enconexion cu importacion y bendemento di droga. A confisca un cantidad di marihuana na dicho adres.

Den e accion a participa diferente departamento di Cuerpo Policial. Entre otro K-9, Flex Team, Team di Aresto, CEA y Ministerio Publico.

Mester menciona cu Unit Narcotica ta activo y lo keda activo trahando duro contra benta di droga pa tin un Aruba mas sigur pa nos comunidad y bishitantenan. Por spera mas accion y mas entrada hudicial!



Cuerpo Policial Aruba un biaha ta haci un apelacion na es cu sa algo of a wak

algo pa yama e tiplijn di polis cu ta 11141. Bo ta keda anonimo.

VOLKSWAGEN A BAY DAL TRAS DI UN HONDA NA SER'I TEISHI

Diaranson mainta a drenta informe di un accidente na Ser'i Teishi, mesora a dirigi un patruya na e sitio.

Na yegada di e patruya a bin compromete cu aki ta trata di un accidente unda un Volkswagen bayendo pabao no a regula su

velocidad ni a mantene distancia a bay dal tras di e Honda cu tabata su dilanti.

Afortunadamente ningun hende a resulta herida.



Prome Minister Evelyn Wever-Croes:

DURANTE UN REUNION INFORMATIVO DEN PARLAMENTO

PROME MINISTER A ELABORA RIBA E RAFT

Ta negociando den e cuadronan di e acuerdo cu Hulanda y di Parlamento di Aruba

Diahuebs mainta 30 di januari a tuma luga un encuentro publico di Parlamento riba e tema di e situacion actual di e Rijkswet Aruba financieel toezicht (RAft).

Durante e encuentro Prome Minister Evelyn Wever-Croes a duna un splicacion y actualisacion riba e RAft splicando e origen y unda Aruba ta para na e momento aki.

Historia

Prome Minister durante e encuentro a conta e historia di e leyman desde comienso pa asina e parlamentarionan nobo por tin e informacion completo. E mandatario principal a splica riba e situacion cu Aruba tawata aden durante e pandemia unda cu gobierno a wordo forsa pa acepta cierto conceptonan di ley pa por a haya placa. Aruba e tempo ey si a pone e condicion cu e leyman mester bay Raad van State prome ken na su turno a duna conseho basta negativo riba esaki. Tambe Parlamento di Aruba tawata contra, tratando e tempo ey di fraccionnan di MEP, AVP y RAIZ. Pa e motibo ey a sigui negocia cu Hulanda pa bin na algo miho y mas flexibel cual ta loke ta andando actualmente.

Ta negociando den e cuadronan

E importancia di e reunion informativo di diahuebs mainta tawata pa Prome Minister comparti unda Aruba ta para na e momento aki. Aki e mandatario a indica cu, ainda no tin e conceptonan den texto y ta depende tambe di e raport di IMF cu lo keda cla pronto. Na e momento ey lo por duna Parlamento mas informacion. Si Aruba ta negociando den e cuadro di e acuerdo, e bestuurlijk akkoord cu a yega cu Secretario di Estado van Huffelen na juni 2024 y tambe den e cuadro di e diferente mocionnan cu Parlamento a duna.

Iniciativa Fraccion AVP

Prome Minister a indica cu di su parti el a pidi fraccionnan duna indicacion unda nan ta para cu e leyman aki. Aki a tende cu un fraccion ta propone un Frente Nacional. Pa esey fraccion di AVP a duna mas informacion como nan a bin cu e iniciativa di un Frente Nacional splicando kico nan lo kier. Prome Minister a subraya e importancia pa sa ken lo lidera esaki y cua lo ta e posicion di fraccion di AVP

riba esaki unda e fraccion no a duna e informacion riba esaki.

Fraccion AVP y PPA ta contra pa sigui negocia. Esaki ta haci cu e mandatario lo sigui negocia, pa por saca e miho acuerdo posibel y unabes cu tin un negosacion concreto, lo trece esaki pa Parlamento ken lo tuma decision. Fraccion AVP y PPA a indica di ta contra pa sigui negocia y fraccion di FUTURA, manera indica durante su campaña ta na favor pa sigui negocia.

“Di mi parti mi a cumpli di duna informacion. Mi a pidi Parlamento pa nan duna mi mas informacion y tawatin silencio. Mi a informa nan tambe cu si mi no haya otro notificacion di Parlamento, mi ta sigui negocia den cuadro di e mandato otorga na mi pa e Parlamento anterior. Si e Parlamento actual kier cambia e mandato nan por haci’e durante un reunion publico y informa gobierno.

Mientrastanto nos ta sigui negocia pasobra esaki ta den interes di henter Aruba pa yega na un miho interes di e prestamo. Si stop di negocia awor y warda te ora tin un



gobierno nobo no ta den e miho interes di Aruba. A trata di un bon reunion unda hopi informacion a wordo duna. Mi ta aprecia cu Parlamento tawatin e interes den esaki y

awor nos tin suficiente indicacion con pa sigui cu e negosacionnan. Otro siman mi lo ta na Hulanda y lo continua cu e negosacionnan”, Prome Minister a indica.

Clasificados




SOLODIPUEBLO@GMAIL.COM

CEL.585 9500



LUNA DI LOCURA CU LOTTO 5 CARNAVAL EDITION!

Cu cada 2 Lotto 5 riba e mesun ticket, ricibi 1 Lotto 5 loco extra completamente gratis!

Aruba – 31 di januari 2025: Luna di februari ta un Luna di Locura cu Lotto 5! Cu cada compra di 2 set di number di Lotto 5 riba e mesun ticket, bo ta ricibi un Lotto 5 loco extra completamente gratis ariba e mesun ticket. Si bo cumpra 4 Lotto 5 riba e mesun ticket bo ta ricibi 2 Lotto 5 loco completamente gratis. Si cumpra bo 6 Lotto 5 riba e mesun ticket bo ta ricibi 3 Lotto 5 loco gratis. Kiermen mas Lotto 5 bo cumpra riba e mesun ticket, mas Lotto 5 loco bo ta ricibi gratis y asina mas chens bo tin pa gana e jackpot di Lotto 5!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35. Pidi bo rebendedo pa bo 2 set di 5 numbernan riba e mesun ticket y asina bo ta ricibi un Lotto 5 loco completamente gratis. Si bo no sa cua numbernan pa kies, bo ta pidi bo rebendedo pa 2 Lotto 5 loco riba e mesun ticket y ricibi un tercer Lotto 5 loco completamente gratis.

E promocion aki ta valido pa full e luna di februari cuminsando desde mañan 1 di februari pa e sorteonan di Lotto 5. Por cumpra bo weganan di Lotto te cu 7:30PM na bo rebendedo



preferi. Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero

tambe por wak sorteo di Lotto riba nos pagina di Facebook y YouTube. E promocion ta valido te cu

dia 28 di februari 2025. Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

ACCIDENTE RIBA AVENIDA NELSON O. ODUBER



Diaranson a drenta informe di un accidente riba Avenida Nelson O. Oduber, mesora a dirigi un patruya na e sitio. Na

yegada di e patruya a bin compronde cu aki ta trata di un accidente unda un auto lastrando un boto riba trailer lo a pasa dal un auto

kibra. Afortunadamente ningun hende a resulta herida.

AHATA TA APORTA AFL . 5.000 PA SOSTENE E PROGRAMA NACIONAL DI STERILISACION DI STIMAMI STERILISAMI PA 2025

E Directiva di Fundashon Stimami Sterilisami ta extende nos gratitud profundo na e Aruba Hotel and Tourism Association (AHATA), dirigi pa CEO & Presidente Tisa Lasorte, huntu cu e lidernan y miembronan estima di turismo di AHATA, pa nan donacion generoso di Afl . 5,000. E donacion aki ta fortalece nos esfuersonan continuo pa atende e reto critico di sobrepoblacion di animalnan riba caya na Aruba, atraves di nos programa nacional di sterilisacion, cu ta wordo reconoci internacionalmente como e metodo mas efectivo y humanitario pa reduci e poblacion di animalnan sin cas.

Left-to-right: Tina Bislick (Director at Large of Stimami Sterilisami), Tisa La Sorte (CEO & President of AHATA), Crescenzia Biemans (Secretary of of Stimami Sterilisami), Ewald Biemans (President of Stimami Sterilisami) FUNDASHON STIMAMI STERILISAMI

www.stimamisterilisami.com

Aruba Bank 6012630190
KVK: S1744.0

1

Cacho y pushi riba caya ta presenta un riesgo considerabel pa salud y seguridad publico, impactando tanto nos comunidad local como e experiencianan di nos bishitantenan. Cacho y pushi no sterilisa ta reproduci na un ritmo

exponencial, cu un cacho muhe y su yiunan por resulta capas pa produci 67.000 cacho den solamente seis aña, mientras cu un pushi por produci 11.606.077 pushi den e mesun periodo. Door di atende e situacion di un forma directo, nos no solamente ta reduci significativamente e cantidad di animalnan cu ta sufri riba caya pero tambe ta engrandece e comunidad vibrante y paisahe turistico di nos isla.

E impacto critico di e trabou di Stimami Sterilisami

Desde 2016, Stimami Sterilisami orguyosamente a fi nancia y subsidia mas cu 40.000 sterilisacion, reduciendo drasticamente e cantidad potencial di bestianan riba caya, aliviando nan futuro sufrimento. Cada

sterilisacion ta preveni no solamente miles di mascotanan indesea cu ta contribui na e crisis di sobrepoblacion pero tambe ta duna beneficiacion di salud na cada animal. Por ehempel, mascotanan sterilisa ta enfrenta riesgonan mas abou di cierto cancer y infeccionnan, loke ta conduci na un bida mas saludabel y mas largo.

Sosten Integral di Comunidad

Danki na e sosten di AHATA, nos por sigui ku nos trabou vital. Cada donacion ta permiti nos amplia nos alcance door di ofrece servicio di



sterilisacion subsidia, cu awor ta cubri 100% di e gastonan di sterilisacion pa organisacionnan di rescate y 50% FUNDASHON STIMAMI STERILISAMI

www.stimamisterilisami.com
Aruba Bank 6012630190
KVK: S1744.0

2

pa doñonan di bestia individual, microchipping gratis, y programanan educativo riba doño di bestia responsabel. E esfuersonan aki ta esencial pa mantene

seguridad publico, preveni plamamento di malesa, y garantiza un ambiente sigur y cuidadoso pa nos bestianan.

E rol di AHATA den fomenta un futuro sostenibel:

“Nos ta profundamente agradecido pa e sosten di AHATA, cu no solamente ta yuda proteha incontabel cacho y pushi pero tambe ta salvaguardia e reputacion di Aruba como un destinacion di vakantie premier,” asina Ewald Biemans, Presidente di

Fundashon Stimami Sterilisami a bisa. “Hunto, nos ta haciendo un impacto signifi cativo, sigurando cu Aruba ta keda un luga sigur y saludabel pa tur hende.”

Pa mas informashon tocante Fundashon Stimami Sterilisami su programa nacional di sterilisacion, con pa bin na remarke pa e fundacion su subsidio y con bo por yuda, por bishita nos webiste na www.stimamisterilisami.com. FUNDASHON STIMAMI STERILISAMI

LEE HOSPITALITY NV

TA BUSCANDO:

- 1 night cleaner
- 2 cook
- 1 help cook

por pasa entre 10:00 AM y 3:00 PM pa yena application form na Peanuts Restaurant.

Un paso importante den optimalisacion di procesonan di data y cuido: HOH TA SCOHE HIX PA ASISTI DEN OFRECE UN CUIDO SIGUR, ACESIBEL Y EFICIENTE



E escogencia pa e plataforma HiX di e compania Hulandes ChipSoft pa loke ta un sistema electronico di pashent (EPD) ta marca un paso nobo y sumamente importante den optimalisa procesonan di data y cuido dentro di Horacio Oduber Hospital (HOH), pero tambe pa Aruba en general. Y alabes e ta alineas cu e vision di HOH esta ‘accessible healthcare for everyone, without compromising on quality’.

Cambio strategico

E cambio pa HiX ta ta den cuadro di e necesidad pa entre otro mehora informacion interno, mantencion di data y standardisacion di proceso. E sistema actual cu Hospital ta haci uzo di dje ta for di Merca yama Cerner di Oracle y lamentablemente ya no por cumpli mas cu e metanan strategico di HOH. E transicion pa un sistema Hulandes ta pas pa un hospital riba un isla cu ta forma parti di Reino Hulandes y ademas

tambe ta bay man den man cu e rekisitonan di Gobierno di Aruba y e escogencia di e boticaronan pa e standardisacion farmaceutico Hulandes. Banda di esaki tin e escogencia di e Staf Medico pa sigui e regulacion medico, kadernan di calidad y seguridad segun norma Hulandes.

Personal envolvi

Ademas di cambionan strategico, e atake cibernetico cu a resulta uno exitoso pe hackernan na aña 2019 y e colaboracion reactiva dentro di e region y Hulanda durante e periodo di COVID tambe a hunga un rol importante den loke ta inicia un programa interno na HOH cu ta carga e nomber ‘ARISE’ (ARuba Integrated healthcare SystEms). Durante e proceso di contratación, a envolbe empleado y stakeholdernan importante di forma intensivo. Nan feedback hunto cu input di diferente comisionnan importante manera e Staf Medico y ‘Verpleegkundige Adviesraad’ a forma un pilar importante pa e escogencia final cu a resulta den HiX. E expertonan di e consultancy specialisa den mundo di IT den cuido esta Furore a brinda asistencia den loke ta e contrato pero tambe lo sigui ofrece nan servicio y guia durante e implementacion di HiX.

Bentahanan pa HOH

Cu implementacion di HiX, HOH ta tuma un paso grandi pa un plataforma integra cu ta garantiza uniformidad y standardisacion den e procesonan di cuido y tambe lo ofrece entre otro bentahanan manera eficiencia y siguridad, miho colaboracion, sosten optimal y atencion na pashent.

Reaccionnan for di e organisacion



Chief Medical Information Officer (CMIO), ciruhano Jan Ringers: "Nos scogencia pa un EPD nobo cu contenido standard, ta duna sosten y ta conduci na un miho y documentacion cu ta di confia y registracion di nos dokternan y enfermeronan, cu meta pa un miho cuido y tambe un cuido sigur pa tur pashent".

Miembro di Hunta di Directiva, Gregory Croeze: "Cu e seleccion di All-you-can-HiX nos ta subraya nos compromiso pa sigui innova y ta tuma un paso importante pa un paquete di integracion completo pa un cuido mas eficiente pa nos pashentnan y nos dunadornan di cuido. Ademas e ta duna nos un miho bista den e gastonan real di e cuido cu nos ta duna."

Presidente di Hunta di Directiva,

drs. Jacco Vroegop: "E transicion pa ChipSoft no ta solamente un decision tecnologico. E lo yuda nos enormemente den mehora analisis di data y pues lo brinda asistencia e maneho pa un miho cuido di pashent, haci analisis y tuma decision durante combersacionnan cu dokternan, seguronan di cuido y otro stakeholder."

"Nos ta spera di traha hunto pa haci e cuido na Aruba ainda mas accesibel y eficiente. Esaki nos lo bay haci pa medio di cuido innovativo den loke ta IT cual lo asisti hospital den cumpli cu nan metanan strategico. Entre otro, nos lo pone enfasis riba cuido basa riba data y unda por ehempel e asina conoci "AI" lo hunga un rol importante." – Hans Mulder (CEO, ChipSoft)

ARUBA TOURISM AUTHORITY (A.T.A.) Y ARUBA PORTS AUTHORITY (APA) TA YAMA BONBINI NA BARCO CRUCERO ILMA DI THE RITZ-CARLTON YACHT COLLECTION

‘Un otro prestigioso linea crucero cu ta reenfora strategia di High Value – Low Impact’



hunto cu delegacion di Aruba Tourism Authority (A.T.A.), Aruba Ports Authority (APA), representanten di Imigracion di Aruba y Port Agency Maduro & Sons.

Ilma, e miembro di mas nobo di The Ritz-Carlton Yacht Collection, ta representa un mescla elegante entre sostenibilidad y luho. Como e segundo barco den e coleccion despues di Evrima, lansa den 2022, Ilma ta presenta característicanan inovador cu ta pone turismo crucero luhoso na un nivel mas halto. Su nomber ta deriva di e palabra Maltes “ilma”, cu ta significa “awa”, reforsando su conectividad cu sostenibilidad marítimo.



Cu un caluroso bonbini, Aruba ta ricibi barco crucero luhoso Ilma di flota di The Ritz-Carlton Yacht Collection. E ocasion significante aki ta marca e promer bishita di e barco crucero Ilma y ta resalta un exito importante cu un turn-around completo, caminda huespednan ta subi y desembarca na e waf di Aruba.

Pa celebra e evento historico aki, a conta cu un ceremonia formal

Ilma a wordo lansa den 2024 y tin e siguiente característicanan impresionante:

- Tonahe bruto: Aproximadamente 46,750
- Largura: 790 pia (241 meter)
- Miembronan di tripulacion: 350
- Capacidad di huesped: 456
- Suites: 228, tur cu terasa priva
- Restaurant gourmet: Varios, cu menu prepara pa chefs di renombre

Alabes, algun característica di Ilma ta inclui tecnologia hybrid cu combustibel LNG, un diseño moderno di luho den tur su suites espacioso, un piscina infinito, un centro di bienestar y un spa



amplio. Huespednan por spera un servicio personalisa y renombra di Ritz-Carlton, redefiniendo e arte di biahe luhoso.

E bishita especial aki ta ofrece huespednan di Ilma un anochi na Aruba, proveendo e oportunidad unico pa descubri e cultura vibrante y atraccion di Aruba.

Durante e evento ceremonioso aki, por a presencia intercambio tradicional di plakaat, un custumber marítimo cu ta honra e prome bishita di un barco crucero na un porta di waf nobo. E gesto simbolico aki ta enfatisa e laso di cooperacion y harmonía entre Aruba y The Ritz-Carlton Yacht Collection.

Den representacion di Aruba entre otro, Ronella Croes, CEO di Aruba Tourism Authority, y Marc Figaroa, CEO di Aruba Ports Authority, a presenta un plakaat conmemorativo na e capitan di Ilma, Darin Bowland, cu a expresa su gratitud pa e ricibimento caluroso di nos localnan.

E yegada di Ilma ta provee sosten

na e strategia di atrae cruceronan luhoso y eleva experiencia turístico na Aruba den e siguiente manera:

- Atraendo mas huespednan cu ta contribui significativamente na nos economia local.
- Promove estadia mas largo den nos waf
- Promove biishita durante low-season, y asina entre otro mehora e distrubicion di barconan crucero anualmente y distribui huespednan miho riba nos isla.
- Inverti den capacitacion y entrenamiento di nos socionan local den e industria di crucero.
- Ofrece entrenamiento di risk-management y desaroyo di producto pa eleva e nivel di servicio y promove mas sostenibilidad y turismo responsabel.


Mientras cu Ilma ta sali pa su siguiente destinacion, Aruba ta mira dilanti na mas cooperacion cu The Ritz-Carlton Yacht Collection y otro lineanan di crucero luhoso. Su bishita ta fortifica Aruba como un destinacion di balor halto den Caribe, caminda luho y sostenibilidad ta bai hunto den armonia pa crea experiencianan inolvidabel.

WORKSHOP ILUSTRA BUKI PA MUCHA



Escritor y ilustrador di buki pa mucha, sra. Mylo Freeman, ta facilita un workshop na biblioteca. Un workshop pa personannan cuta interesa pa ilustra buki di mucha of ilustrador local cu tin interes pa ilustra buki pa baby y/of traha bukinan di preñchi. Mylo Freeman ta papia di su experencianan di trabou como ilustrador. E ta duna un presentacon di su ilustracionnan y ta ofrece participantenan un tarea pa traha ariba. Ta encurasha participantenan pa desaroya storia y material visual cu ta refleha e diversidad cultural di e region Caribe y cu ta apela na mucha.

Meta ta pa inspira profesional creativo pa asina e tradicionnan rico y idiomanan den Caribe bira mas visibel den buki mucha y otro obranan literario.



Esaki ta tuma lugar na biblioteca diahuebs dia 13 di februari di 3or pa 5or. Por registra pa e workshop cerca Gina # 528 1504 of curso@bna.aw

TAXISTA A DAL TRAS DI AUTO CU A BRAKE DIRIPIENTE YEGANDO ROTONDE AIRPORT



Diaranson mainta a drenta informe di un accidente yegando rotonde di airport biniendo for di rotonde Mahuma, meora a dirigi un patruya na e sitio. Na yegada di e patruya a bin compronde cu aki ta trata

di un accidente unda un taxista a bay brake tras di e auto cu su dilanti cu a brake di golpi y a bay dal su tras. Afortunadamente ningun hende a resulta herida.



Rycond do Nascimento:

MIKE SU APOYO DIRECTO: E CAMINDA PA POBRESA PERPETUO



Mike Eman a duna un entrevista na Speed dia 23 di januari 2025. Den e entrevista Mike ta yama e reduccion di e tarifa di inkomstenbelasting y loonbelasting di MEP un decision apresura, no planea, cu intencion di obstaculisa e promesa y vision grandi di AVP pa bolter cos. Segun Mike, gobierno a kita 50 miyon florin cu mester a yuda esnan cu un entrada bao di Afl. 3.500,-. Asina Mike a double down riba su declaracion di dia 15 di januari 2025 cu e reduccion di tarifa ta un maniobra di mala fe y un atentado contra di e oportunidad di yuda esnan di entrada mas marginal den nos comunidad.

Cu e declaracionnan aki nos tin un bista basta cla di e maneho financiero cu e FUTURO Gabinete Mike Eman III kier hiba. Pa cuminsa nos sa cu Mike ta kere den fia placa y haci debe pa financia su ideanan. Nos sa cu e ta contra e insistencia di Evelyn pa haci rekensom pa dicidi riba maneho y e ta contra e insistencia di Xiomara pa crea surplus riba presupuesto si esey kieren cu e no por realisa su maneho. Tampoco Mike ta kere den Gabinete Wever-Croes su vision pa un transicion for di impuesto directo pa indirecto. Y cu Mike su ultimo declaracionnan

nos por compronde cu “bolter cos” no ta nada mas cu bay bek na e maneho financiero di Gabinetenan Mike Eman I y II. E unico aspecto adicional ta un politica di apoyo directo den forma di un inyeccion di placa den cartera di tur hende cu tin un entrada bao di Afl. 3.500,-. Segun Mike esaki ta loke ta bay combati pobreza.

Na e superficie, e por parece un solucion husto. Pero si nos analisa mas profundo, nos ta mira cu apoyo directo ta depende di un fluho constante di mas y mas placa. Na e superficie e por parece un gesto simpatico, pero esaki ta crea un dependencia continuo cu ta imposibel pa sostene sin afecta otro sector di nos economia.

E problema: apoyo directo como un mangel materialista

Durante e pandemia Gabinete Wever-Croes tambe a haci uzo di medidanan di apoyo directo den forma di e ayudo di FASE. Esey tabata un medida hopi costoso pero hustifica pa yuda famianan supera e situacion temporario di e pandemia. Pero, pa uza apoyo directo pa yuda hende cu tin un entrada bao di Afl. 3.500,- na un manera structural ta simplemente un politica di Robin Hood: kita for di clase media pa duna na e pober. Mike sa cu no tin espacio riba presupuesto pa carga e plan aki y Mike sa cu Hulanda no lo permiti pa hinca Aruba den mas debe structural pa nos yiunan paga mayan. Tambe Mike sa cu economia a expande bao di maneho turistico di Dangui y cu pueblo alabes no kier mira construccion di mas hotel. E unico cosnan cu ta resta ta pa haci loke Mike mes a bisa caba: uza e placa extra cu aumento di BBO y BBO

na frontera a genera pa financia e apoyo directo y adicionalmente pone e hobennan paga pa e pensionadonan. O sea, Mike kier hinca su man den cartera di tur hende cu tin un entrada di Afl. 4.000,- of mas, pa financia su politica di apoyo directo.

Loke Mike no ta bisa ta cu inflacion ta un fenomeno cu tey pa keda. Ningun pais na mundo por a para inflacion y esey tin di haber cu e estructura di e sistema bancario internacional. Esey ta nifica cu si Mike kier soluciona pobreza di e forma aki, e lo mester aumenta e apoyo directo tur aña pa e grupo no cay den pobreza bek. Esey ta nifica cu tur aña e mester saca mas placa for di cartera di tur cu tin un entrada di Afl. 4.000,- of mas, empobreciendo henter nos clase media te ora cu no ta existi un clase media mas. Tur maestro, tur polis, brandweer, ambtenaar, taxista etc. lo ta pover. P’esey Mike su uzo di apoyo directo no ta nada mas cu un mangel materialista diseña pa encarcela su votadornan den un mentalidad di pobreza y dependencia.















E solucion: idealismo cu ta lucha pa husticia y progreso















Si nos kier laga un pais prospero atras pa nos yiunan y nos nietonan, nos mester cuminsa na bandona e politica di mangel materialista cu su retorica bashi. Nos mester bandona e tipo di insulto cu Mike ta uza pa mantene pueblo encarcela den emocionalismo, manera “maniobra di mala fe”, “atentado” y “masacra”. Nos mester restaura e cultura unda nos ta contesta cada argumento cu argumento, loke a hiba nos na convence Hulanda cu nos ta un pueblo, cu nos tin e derecho di autodeterminacion y cu

nos mester haya nos Status Aparte.

Den e caso specifico di combati pobreza na un manera sostenibel riba largo plaso, nos tin mester di un maneho cu ta crea estabilidad economico structural y cu ta ataca e raiznan di pobreza. Esaki ta cuminsa cu pone finanzas publico na ordo y reduci e debe nacional, pa asina menos impuesto bay perdi na paga interes y mas recurso ta disponibel pa inversion social y economico. Corupcion mester wordo combati cu firmesa, pasobra corupcion ta alimenta desigualdad y inhusticia. Adicionalmente, nos mester di un transicion fiscal inteligente: menos belasting riba bo salario of ganashi y mas enfoka riba impuesto indirecto. Esaki ta nifica cu turista y esnan cu ta traha den economia informal tambe ta contribui na e gasto di estado, resultando den un distribucion mas husto di belasting. Esaki ta duna gobierno e recurso necesario pa combati pobreza na un manera sostenibel, sin aplasta e clase media y sin laga nos yiunan hereda mas debe. Enfin, e unico caminda serio nos dilanti ta: un base financiero solido, un estructura di belasting husto y un economia cu ta stimula independencia financiero.



<div></div> <div>Paardenbaastraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Anochi - January 30, 2025</div>		
<div></div> <div>Sorteo # 8460</div> <div>9977</div> <div>0582</div> <div>6610</div> <div></div> <div>FP</div> <div></div> <div>Sorteo # 7504</div> <div>0819</div> <div></div> <div>FP</div> <div></div> <div>Sorteo # 2209</div> <div>9212</div> <div></div> <div>Sorteo # 6263</div> <div>2439</div> <div>Libra</div> <div></div> <div>Sorteo # 1193</div> <div>953</div> <div></div> <div>FP</div>	<div></div> <div>Sorteo # 2563</div> <div>0 x Jackpot</div> <div>0 x Match 4+</div> <div>13 x Match 4</div> <div>308 x Afl. 12,00</div> <div>Sorteo # 6727</div> <div>1 x Jackpot</div> <div>4 x Match 4</div> <div>127 x Afl 8,00</div>	<div>05-06-09-11-22</div> <div>Joker 30 Letter J</div> <div>Proximo Jackpot</div> <div>250.000,-</div> <div>02-21-22-25-28</div> <div>Proximo Jackpot</div> <div>50.000,-</div>
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div>	<div>Mega Ball</div> <div>Proximo Jackpot</div> <div>900.000,-</div> <div><div>Afl. 1.400.000,-</div><div>MEGA PLUS</div></div>	
<div></div> <div>Sorteo #</div>	<div></div>	

<div></div> <div>Paardenbaastraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado: Sorteo di Merdia 🎡 - January 30, 2025</div>		
<div></div> <div>Sorteo # 4522</div> <div>9730</div> <div>7641</div> <div>2791</div> <div></div> <div>FP</div> <div></div> <div>Sorteo # 4522</div> <div>2157</div> <div></div> <div>X3</div> <div></div> <div>Sorteo # 2578</div> <div>2487</div> <div></div> <div>Sorteo # 4522</div> <div>7137</div> <div>Scorpio</div> <div></div> <div>Sorteo # 1396</div> <div>400</div> <div></div> <div>FP</div>	<div></div> <div>Sorteo #</div> <div>Joker Letter</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Proximo Jackpot</div> <div>250.000,-</div>	
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl 8,00</div> <div>Proximo Jackpot</div> <div>50.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> <div>Mega Ball</div> <div>Proximo Jackpot</div> <div>900.000,-</div>	<div>Afl. 1.400.000,-</div>	
<div></div> <div>Sorteo #</div> <div></div> <div></div> <div></div> <div></div>	<div></div>	

FORTALEZA PA FAMIA

Scirbi pa Pastor Marcel Balootje.

AUTORIDAD DEN CRISTO , TA NIFICA INTIMIDAD CU CRISTO

Mas confiansa nos tin den Dios,mas autoridad nos tin den Dios, pa e senjalnan sigi nos, nos mester kere profundamente den Dios,pasobra pa medio di Fe nos lo ricibi autoridad di Dios.

Dios ta usa hende humilde pasobra ora nos ta humilde, nos ta depende di Dios, y ora nos ta depende di Dios,nos tin tur cos,cu nos mester.

Si nos tene cuenta cu Moises kende Dios a bisa cu e tabata e persona mas humilde riba mundo, con su comportacion tabata, y con Dios, tabata comunica cu ne , nos lo balora intimidad cu Dios.

Si nos tene na cuenta con Elias tabata papia den nomber di Dios, y con Dios tabata respalda su palabra , nos lo compronde e poder di oracion y intimidad cu Dios, pasobra Elias tabata un persona cu naturalesa mescos cu nos, pero ora e haci oracion Dios ta scucha.(Santiago 5:17-18).

Si nos tene cuenta con Cristo Hesus, Kende aunke cu e tabata existi den forma di Dios, no a considera igualdad cu Dios. Algo pa tene na dje,ma a bandona su mes gloria tumando forma di un sirbido, siendo traha den semehansa di hende, y hanjando Su mes den condicion di hende, E a humiya Su mes door di bira obedecido te na morto hasta morto na un crus.(Filipensenan 2:6-8).

Mas grandi nos intimidad ta cu Dios,mas profundo nos dependencia ta di dj'E,y mas grandi nos autoridad Spiritual ta bira den Cristo Hesus.Pasobra no laga nos lubida, cu e palabra di Dios ta sinja cu pega na Cristo nos por tur cos, y leu for di dj'E nos no por nada.

Hopi hende tin un pensamiento religioso cu milagernan ta cosnan di pasado, y esey no ta e berdad, pasobra Dios ta mesun Dios, awe , ayera y pa semper, tur locual E a haci ayera E por hacie awe tambe, pero

no laga nos lubida cu sin Fe ta imposibel agrada Dios.

Mientras cu nos ta warda riba Dios, Dios ta warda riba nos,pa nos realisa e locual ta e berdadero intimidad cu nos mester tin cu Dios, pa asina mira cosnan sosode publicamente, pasobra esey ta locual tabata sosode, y esey ta locual mester sosode tambe caminda poder di Dios lo manifesta publicamente den caya, pasobra Dios su palabra ta fiel y berdadero, y E a bisa cu e senjalnan aki lo sigi esnan cu ta kere.

Ora nos ta busca intimidad cu Dios, tin beneficio grandi pa nos, pero tambe lo tin cambio den nos bida, pa nos por haci e trabao di Dios; Pordon lo ta presente den nos bida, pasobra intimidad cu Dios ta sinja nos perdona, caminda tin duresa di curason y falta di pordon, intimidad cu Dios ta dificil.

Responsabilidad. Tempo pa Dios, Curason arepentí,Disponibilidad,Oracion, lesamento di Palabra di Dios,y somete na Dios, tur eseynan ta hiba nos na intimidad cu Dios.

Pasobra tur cos ta depende na e cambio den nos curason, y nos mente, y tambe reconoce cu nos culpa ta y ta keda tempel di Dios, y cu e Spirito di Dios ta biba den dje.

Ta dificil biba con cu ta y trata Dios con cu ta, y bisa cu nos tin intimidad cu Dios,intimidad cu Dios no ta un nomber of un stempel e ta un forma di biba.(lifestyle).

Esnan cu ta busca intimidad cu Dios, lo briya manera strea den firmamento, pasobra nan no ta buscando fama pa nan mes, pero nan kier duna tur Honor y Gloria na Dios.Asina cu humildad ta aumenta, intimidad lo aumenta. Sinceramente, Pastor Marcel Balootje.

ARUBA BANK CU UN DONACION DI AWG 100,000 NA SABA

E banco to sostene iniciativanan importante pa nos grandinan



Oranjestad, Aruba – 30 di januari 2025 - Den cuadro di su celebracion di 100 aña, Aruba Bank ta confirma su compromiso pa desaroyo den nos comunidad cu un donacion di AWG 100,000 na Stichting Algemene Bejaardenzorg Aruba (SABA). E contribucion aki ta confirma e dedicacion di Aruba Bank pa atende e necesidadnan di sectornan vulnerabel, mientras cu e ta fortifica su rol como

un lider socialmente responsabel na Aruba. Tur luna durante 2025 Aruba Bank lo haci un donacion special den diferente area cu ta un necesidad den nos comunidad.

E donacion oficialmente entrega pa Edseline Leer - Semeleer, Head of Retail Banking di Aruba Bank, durante un ceremonia special caminda a duna un discurso inspirante

subrayando e importancia di e colaboracion. Edseline a comparti:

" Den nomber di Aruba Bank, ta un honor pa nos ta aki na SABA, pa haci nos prome donacion den cuadro di nos celebracion di 100 aña di existencia. Cumpli un siglo ta testigo di e confiansa y e relacion cu nos a forma cu nos comunidad y organisacionan di Aruba. Mientras nos ta celebra e ocasion special aki, nos ta reflexiona riba e impacto berdadero cu nos contribucion ta crea den nos comunidad.

Ta cu gran orguyo nos ta aporta cu un donacion di 100 mil florin na Stichting Algemene Bejaardenzorg Aruba (SABA). SABA tin un rol esencial den mehora



bida y promove bienestar pa nos grandinan.

Boso dedicacion ta inspira nos, y e contribucion aki ta refleha nos compromiso pa sostene SABA su mision y pa yuda eleva e calidad di bida pa nos grandinan na Aruba.

Nos ta compromete pa sigui crea un diferencia den bida di esnan cu nos ta sirbi. Hunto, nos

por crea un futuro mas briyante y saludabel pa Aruba. Masha danki pa duna nos e oportunidad pa sera conoci un tiki mas di cerca cu SABA, y pa aporta na boso diferente iniciativa plania durante 2025." Sulima Geerman, PhD, Directora di SABA, a ricibi e donacion cu hopi gratitud y a expresa su agradecimento pa e contribucion significante di Aruba Bank.

ARUBA BANK PABIEN CU 100 ANJA

A ruba Bank ta cumpli un siglo, esta, 100 anja e anja aki den 2025 Riba halanan cu fe den cada trabao a gatia, cana, landa y bula te den top na halto

U n bon famia y compania experto a tumele over for di famia John G. Eman anjanan pasa Bondad den nan bon curason, gradiciendo pa cada anja yena di gracia y bendicion inspira A we cu mas exito, mas grandi, cu mihor servicio, un banco cu ta comprende tur hende

Brinda awe cu famianan y comunidad pa tur e bon anjanan di cresemento y estabilidad A we, cu maneranan digital mas moderno, pero cu e curason di e ser humano su fieldad N an ta sigui traha, yuda y permiti

hopi pa yega na un auto of na un cas y hopi mas

K u mas sabiduria nan staf y personal ta traha sirbiendo profesionalmente den tranquilidad y paz

Pabien Aruba Bank, pabien !, bo ta trese hopi bunita recuerdo pa nos tur

Ainda Lady Ruth ta wak Shon Chi cu mannan na laira alabando Dios tur fin di anja

B rinda cu staf y personal, cu un danki na nan clientenan pa e confianza

I pa sigui traha cu amor y pasion na bienestar di tur cu nan gradicimento y speranza

E isla aki tin un nomber y e banco number un di Aruba tin su nomber :Aruba Bank !



N os ta bendiciona pa tin un banco fuerte, cresiendo y hopi bendiciona !100 ANJA, Y BAYENDO PA HOPI MAS !

Ruthy" Lady Vrieswijk-Bergen

Ruth"

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.

Salmo: 23

Nos ta anuncia fayecimento di:

Na number di su:

Esposo: †Roberto Dijkhoff

Yiunan:

Helen y Stanley

Tico y †Sonia

Rene y Zulaika

Gino

Nieto y nieta nan:

Jordy y Annemijn

Darren

Eucherlin

Kevin

Mitchell y Abigail

Brandon

Lixiën y Jurriën

Rumannan:

Ina y † Henk

†Vidal y †Tita

Andres y Mena

Juancito y Marianita

Aura y Jovito

Freddy y Mercedes

Rosa

Subrina- y sobrinonan

Iha(nan)

Tur su bon bisiñanan

Tur su amistadnan, conocirnan y compañero(a)nan di Stichting Thuiszorg Aruba na Jaburibari.

Demas famia: Dijkhoff, Giel, Chang, Rooijakkers, Tromp, Boekhoudt, Kolkman, Kelly, Brown, Perez, Willems, Hoek, Matos, Ridderstaat, Wolff, Heide.

**Ta invita pa acto di condolencia y despedida cual lo tuma lugar na Royal Funeral Home, diasabra, 1 di februari 2025, di 9’or pa 11’or di mainta.
Cremacion lo tuma lugar despues den seno familiar.**

**Nos disculpa, si den nos tristesa nos por a lubida algun nomber.
Nos ta lamenta cu despues di entierro nos no ta ricibi bishita di condolencia na cas.**



Brigida Dijkhoff-Giel

Mihor conoci como “Ida” of “Mamai”

*01-02-1936 - †27-01-2025

SUDOKU

			9			1		2
7			3			6		
		2					3	
9					8	7		
3				1				9
		6	5					1
	1					4		
		4			9			6
8		3			6			

5			2				4	
			6		3			
	3				9			7
		3			7			
		7			8			
6							2	
	8							3
			4			6		
			1			5		

	3	8		4			7	
		2		7	9			
5					8	9	4	
7		5					3	2
	8	1		9	5			
4	2			8	3		9	5
	7		9		2		1	
6		9			4			8
		4					5	9

Those we love don't go away. They walk beside us every day.
Unseen, unheard, but always near, still loved, still missed and forever dear.

Cu dolor na nos curason, pero conforme cu boluntad di Dios,
nos ta anuncia fayecimento di nos ser stima:



Sra. Vda. Carla Maria Pâris-Arends
*17-03-1947 - †30-01-2025

Acto di despedida lo wordo anuncia despues

“Lo e seca tur lagrima for di nan wowo, y morto no lo existi mas: lo no tin nada di rouw, nada di yoramento, nada di dolor mas, pasobra tur cos di antes a pasa bay.”
Revelacion 21:4



Directie Wetgeving en Juridische Zaken
ta anuncia fayecimento di:



Sra. Maria Cecilia Caster Ras
Mama di nos Colega Antonio Caster

Ta invita pa e acto di entierro cu lo tuma lugar diasabra 1 di februari 2025,
di 9 pa 11’or am na Misa Inmaculada Concepcion na Sta.Cruz.

Nos di DWJZ ta manda palabra di condolencia y hopi forza na
Antonio y famia. Cu Sra. Maria sosega na paz.

**Laga tur locual cu ta sperami ta bunita.
Laga tur locual cu mi ta encontra na
caminda ta bunita.
Laga tur locual cu ta rondonami ta bunita.
Laga tur locual cu mi ta laga atras keda
bunita.
Y laga esakinan termina den tur bunitesa.**

Cu profundo sentimento, pero conforme cu Dios su boluntad, nos ta anuncia cu a bay drumi den braza di Señor :



Na number di su yiunan:

Eugene Maduro y Maureen Harms

Xiomara Maduro y Enrique Aaron

Manera yiu: Anthony Maduro y famia

Su nietonan:

Clinton Maduro

Antoine Maduro

Aleesha Maduro

Ethan Ruiz

Su rumannan:

†Maria y †Tan Donata y famia

†Max y Olga Ras y famia

†Ninita y †Chomon Dania y famia

Annie Ras

Flavia Ras

Frida Ras y yiu Kenneth Luidens

Olivia y Walty Croes y famia

†Milo y Mabel Ras y famia

Helen A. Ras

Su cuñanan:

†Reina Maduro y famia

Sita y †Thomas Dijkhoff y famia

†Ida y †Roman Dijkhoff y famia

†Margo y †Mario Henriquez y famia

Lilian Maduro

Antonia Alcida Maduro-Ras

(Chida)

*9 januari 1939 - †27 januari 2025

Vuida di †Antonio "Tommy" Maduro

Ta invita famia, bisiña, amigo y conocirnan pa e despedida cu lo tuma luga : **dialuna 3 februari 2025 for di 2:00pm pa 4:00 pm na Olive Tree Funeral Care & Crematory na Piedra Plat 27 Z, sigui pa su ultimo luga di descanso na Santana di Catholico na Paradera. Oportunidad pa condolencia ta diadomingo 2 di februari di 5:00pm pa 8:00 pm na Olive Tree Funeral Care & Crematory na Piedra Plat 27Z .**

Nos disculpa cu despues di entierro nos no por ricibi bishita di condolencia na cas.